



## Publicaziuns dalla vischnaunca, jamna 06

### Votaziuns federalas e communalas dils 13 da fevver 2022

**L'urna principala** en casa communalas ei aviarta sco suonda:  
Dumengia, ils 13-2-2022 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 11 da fevver 2022, allas 14.00**, tier l'administraziun communalas (tel. 081 920 36 36).

#### Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 13 da fevver 2022 allas 11.00 tier l'administraziun communalas.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

*Suprastonza communalas*

---

#### Damondas da baghegiar

**2022-1006.000**

**Datum dalla publicaziun: 11 da fevver 2022**

Il patrun: Bergbahnen Disentis AG, Via Acletta 2, 7180 Disentis/Mustér  
Il representant: Casutt Wyrsch Zwicky AG, Via Principala 45D, 7153 Falera  
Object: Realisaziun dalla secunda etappa dil project d'ennevar, realisaziun dalla descensiun dalla via da velos «Bike» etappa A1 entochen A4 tenor plan general d'avertura

**2022-1007.000**

**Datum dalla publicaziun: 11 da fevver 2022**

Il patrun: Repower AG, Via da Clalt 12, 7742 Poschiavo  
Object: Montar ina tabla da reclama vid la fatschada dil baghetg nr. 274, parcella 1596, Via Prau, 7180 Disentis/Mustér

**2022-1008.000**

**Datum dalla publicaziun: 11 da fevver 2022**

Il patrun: Mazlaria Venzin, Via Sursilvana 23, 7180 Disentis/Mustér  
Object: Construcziun d'in indrez fotovoltaic sin tetg e vid la fatschada digl edificci nr. 34-A, parcella 889, Via Sursilvana 23, 7180 Disentis/Mustér

#### Protestas:

Ils plans da construcziun ein deponi tier l'administraziun communalas. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 11 da fevver 2022  
*Uffeci da baghegiar Disentis/Mustér*



---

### Cussegl da vischnaunca

Il cussegl da vischnaunca seraduna **venderdis, ils 18 da fevrer 2022**, allas 20.15 en halla Cons.

#### Tractandas:

1. Protocol 10-2021/2024
2. Project «la pendentia»: Presentaziun
3. Concept communal: Senda per velos da muntogna (mountainbike) – Project e damonda da credit (messadi nr. 16-2021/2024)
4. Revisiun parziala dallas statutas dil circuit da register funsil Cadi (messadi nr. 17-2021/2024)
5. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### Taglia da tgauns 2022

Tenor artechel 7 dalla lescha communal da taglia ei mintga persuna che tegn in tgaun sil territori dalla vischnaunca da Mustér obligada da pagar ina taglia da tgauns. Ulteriur da quei sto il tgaun esser marcaus cun in microchip.

Ils possessurs da tgauns retscheivan directamein in quen per la taglia da tgauns. Quella munta pigl emprem tgaun frs. 120.– e per mintga ulteriur tgaun ella medema casada frs. 180.– per onn. Tgauns da polizia, tgauns da schurmetg, tgauns da lavinas sco era tgauns per tschocs e suords ein deliberai dalla taxa.

#### Adatg!

Possessurs che acquistan da niev in tgaun ein vinavon obligai da vegnir enteifer 30 dis persunalmein al spurtegl dall'administraziun communal per cumprovar la registraziun dil microchip. Il conto sin la plattafurma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquists, surdadas, mortoris ed exports egl exterior d'in tgaun.

*Administraziun communal*

---

### Controlla da habitonts

#### Mortori

Andreas Arpagaus-Cathomen, naschius ils 11 d'avrel 1945, morts ils 3 da fevrer 2022.

---

### Entrada anticipada en scoletta

Mintgamai igl uost entran ils affons che han cumplenu il tschunavel onn da vegliadetgna tochen **ils 31 da december** dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon.

In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto correspunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffergnadi en scoletta. Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch). Annunzias san vegnir inoltradas tochen **ils 11 da mars 2022**. Annunzias suenter quei termin san buca pli vegnir risguardadas.

Cordials salids

*Nossa scola populara Mustér*

---



### **Fiera nepalesa sil plaz dil «Catrina Resort»**

#### **Ils 15 da fevrer 2022, dallas 16.00–19.00**

Guids da muntogna e Sherpas dalla Nepal Mountain Ski Academy passentan enzacons dis a Mustér per far in cuors da skis. Ensemen cun els organischan las Pendicularas Mustér ina pintga fiera cun products da Nepal sil plaz dil «Catrina Resort» – ina buna caschun dad emprender d'enconuscher la tiara e quei project interessant. Nus selegrein sin Vossa viseta.

Ulteriuras informaziuns dattan bugen las Pendicularas Mustér – [info@catrina.swiss](mailto:info@catrina.swiss)

---

### **Renunzia dil kino da cudisch da maletgs cun Mats, la miur dils 11 da fevrer 2022 en la Biblioteca populara Disentis/Mustér e contuorn**

Muort la situaziun actuala essan nus sedecidi da buca menar atras l'occurrenza da Mats ch'era previda per venderdis, ils 11 da fevrer 2022. Nus sperein sin Vossa capientscha e selegrein puspei sin in'otra ga.

*Il team dalla biblioteca cun Mats, la miur*

---

### **Uniun la pendentà**

Informaziun sur dil project «Punt pendentà S. Gada–Mumpé Medel». Nus mussein a Vus la situaziun dalla punt projectada. Tgei avantatgs porta ella per ils avdents da Mumpé Medel? Tgei valeta ha la punt per la regiun? Co e cu vegn ella realisada?

Orientaziun e discussiun: **Sonda, ils 12 da fevrer 2022**, allas 20.00 en caplutta s. Valentin a Mumpé Medel, (entrada tenor regla 2G cun mascrina.).

Cordialmein envida  
*Uniun la pendentà*

---

### **Las vischnauncas ed uniuns culturalas**

#### **Preavis**

**Medel-Mustér-Tujetsch** s'entaupan ella Academia Vivian a Stagias. Cultura, cant e musica da mintga vischnaunca accumpignau cun specialitads culinaricas. **Sontgilcrest, ils 16 da zercladur 2022**, allas 16.00. Nus selegrein gia oz sin ina sentupada dalla Sursassiala.

Sin stedia participaziun  
*las vischnauncas ed uniuns culturalas*

---